

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Consideratio status damnatorum, quod actiones ipsorum
in primis malas, concernit**

Fecht, Johann

Durlaci, 1680

LXIX.

[urn:nbn:de:bsz:31-122744](#)

comissa crima latæ finis, eaque judicantis intentio, ut delictis modus & finis statuatur, ne imposterum rempublicam turbent, aut honestatem labefactent. Quare, qui manu alterum privavit, manu privatur & ipse, ne peccare amplius manu possit; & qui furum fecit, suspenditur, ut desinat furari. Est enim omnium pœnarum is finis, ut partim is, qui peccavit, emendetur, partim alii à peccando deterreantur. Inde quoque pœnas delictis ita aptari cernimus, ut qui semel ex infirmitate errorem commisit, leviori pœna, quæ tamen meliorem facile reddit eum, qui non ex habitu, sed errore præoccupatus potius fuit, Gal. VI. 1. quam contaminatus, afficiatur, gravior verò & diuturnior constituatur ei, quem consuetudo peccandi ad peccandum ita facilem & propensum efficit, ut à peccato difficuler avellatur. Ex quo patet, sententiam judicis adversus delinquentem latam, ex mente sententiam ferentis, delictum, ne amplius committatur, abolere, eidemque finem impone. Quod autem judex hujus seculi facit in delicto particuliari, id convenit multò magis, DEUM supremum omnium hominum judicem, facere in peccato universalis. In quod, cum ultimam & decretoriam quasi promit sententiam, hæc ita comparata esse debet, ut peccatum totum, quippe cui pœnam dicit, destruat, eidemque supremum, ut ita loquar, terminum ponat. Quod aliquando fine suo terrenus judex destituitur, &c, qui peccavit, etiam post toleratum supplicium, peccare pergit, qui que semel patibulum effugit, iterato furandi artificio in illud seipsum agit, id inde est, quia judicis finita est scientia, quæ intima cordis penetralia intropicere non possit: quæ, si scrutari atque cognoscere valeret pertinacem ad peccandum malitiam, talem sine dubio impositura esset pœnam, quâ & futura delicta præcaverentur. DEUS igitur, qui occulta cordium novit & cuius propositum frustrari homo nequit, non eam tantum dicitat pœnam, quæ apta nata sit omne terminare peccatum, sed quæ revera quibuslibet delictis finem adferat. Id quod ideo quoque necesse est fieri, quia in universalij judicio universalis quoque ordo reducendus est, qui verò, ut ex iis, quæ supra disputavimus, patet, cum perennante in omnem æternitatem peccato consistere non potest.

LXIX. Octavum apud eundem Albertum, art. II. ex immu-

tabilitate voluntatis damnatae producitur argumentum: Non potest demon corrigere voluntatem. Sed quod non potest aliter esse, non habet laudem vel vituperium, ut dicit Tullius. Ergo injustum est, ut videtur, si sibi hoc imputaretur in peccatum. Quamquam vero de dæmonum voluntate propriè quæstio sit Alberto, ratio tamen, quâ utitur, in damnatos quoscunque, ut quilibet videt, nullo negotio quadrat. Quam si in syllogismos adstringas, ita habebunt: Quicquid non habet laudem vel vituperium, id propriè peccare dici non potest. At voluntas dæmonum & in universum damnatorum. Ergo, Major ex Philosophia moralis docetur, quæ virtuti laudem, vitio vituperium, ut individuos comites, vel potius fidias pedissequas, adjungit. Minor constat hoc argumento: Quicquid aliter sese habere nequit, id non habet laudem vel vituperium. Voluntas damnatorum. Ergo, Majorem probat auctoritas Ciceronis, neque quisquam de cœtero refragari potest. Laudamus enim ea dun-
taxat, quæ cum ad excessum vel defectum declinare potuissent, in mediocritate tamen substiterunt, vituperamus vero, quæ cum bonum eligere potuissent, à malo tamen in diversum se abripi possunt. Ubi igitur nulla libertas, nulla ad oppositum indifferencia, ibi nihil est, quod vel laude vel vituperio sive dignum sit sive indignum. Minor probatur hoc syllogismo: Quicquid corrigi nequit, id aliter sese habere non potest. At voluntas damnatorum corrigi nequit. Ergo. Major ex terminis nota est. Minor contra Origenianos æterno quodam Ecclesiæ consensu defenditur.

LXIX. Postquam ex Scholasticorum Commentariis, quæ huc pertinere visa sunt, collegimus, nunc porrò nobis dispiciendum est, quibus munimentis à Theologis aliis præsens sententia suffulciatur. Nonum igitur argumentum à μακροθυμίᾳ seu longanimitate Divinâ petitur. Μακροθυμία DEI, Rom. II. 4. celebratur: Ἐπλέτε τῆς χρειότητος ἀνθρώποι ἀνθρώποι τῆς μακροθυμίας καταφεύονται; que alibi passim patientia, impropre sumpto vocabulo, dicitur. Longanimes enim, ait Chrysostomus, Serm. II. ad Col. I. erga eos sumus, quos ulcisci possumus, patientes vero erga eos, quos ulcisci non possumus. Propterea patientia quidem D E O (propriè) nunquam tribuitur, longanimitas vero sapientiæ. Quemadmodum hic ipse beatus alibi scribens dicit:

aut